


TUTU TABAA KALUA KIRINEN TALSIL MERRMERR HU RRLAM

Nanette Vakessa nge ma rrhu
sasaarōan ge li



*David Tovovur nge ma rrhu nonon
sassarōan ge li*

**NARATIV
LEVEL 7**

Ministri ne Yekyaan te Wuhuran
Rebublik ne ōrr Vanuatu




Tutu tabaa Kalua te rru kirinen tōbyōn
nyerō, Balu te Malua.

En tabungbung hu, me fe byane tōbyōn
nyero ge, “Ena vya rrō gmo angsul beta
teru ten tabli yal. Gōmōrō emrō a rrō rre
bongsul yem ne huruman teru.”



Ngate tutu tabaa Kalua te vya lon basil
ge eb ter beta.

Ma lhe li bta hu ngate mwe la ra lite ge
eba gmo beta nan.



Bone ge rrō ri me fyan, nge ma lhe talsil
hu ge mwi fii goro tobol e li bta ge le
rru.



Tutu tabaa Kalua lun bya myōrr tam.
Lonle ge a nge rrō rrin felang hal ge
nge eb rrō metenen talsil ge a.

Ma rreme ge eb rrorr, te nge mang rru
ran betete ne li bta nga bwe.

Nge mwi rrinrrine eb rrorr bya ran liye
hu te mni te liye nan mu rru hatin ten.



Nge ma gmo wo bta be sul te mo kou
keya talsil ge a te mwe basel nga.

Nge me ter felang beta mōn ge eba kbu
talsil, te beta mo nong ra lite.

Nge mwi rrinrrin nga te me fe byane
nge mwi yi a, “Ma ngrengre ena bwil
ngate ena ol bya fyan.”

Tutu tabaa Kalua mwi bwil ngate mo ol
rru tōn li bta me fyan.



Bone ge nge mw nga ku taune metan,
ma lhe ge talsil merrmerr ge le, mu fu
nga rru en tahin lon tan. Te marr rru
burr.



Tutu tabaa Kalua ma ktu liye breō hu
te mu hu kuu talsil bya hatin metenen li
bta ge le.

Nge ma rrya ra ōl gorogro wor hu te mo
koōne ran talsil ge le te ma fne.





Bone ge le, Balu te Malua terōr rrō taa
tōne besaō.

Tei tabli yal rru burr te tuburō tōlōn ho
mōl bwe, nyero terōr rrinrrin ge ebrō
vya teene nge.

Mōrō nga vya lhe ge ma kru beta en
ōrr be hu nga. Tutu tabaa Kalua mwe
saarōne sese ge ma rrwe, te tōbyōn
nyerō mōrō tutu kilimna nan ge tōlō e
ten bangbangan.



Ngate musu hone beta nan nyer bya
lon arrbol be sul, ngate musu rrya bya
besau.

Musu koō kuru bya ran fyang te nga
ngne nga en tarariu.

